


President  
Henry B. Eyring  
ne kasaa

ɔpamfo a Odzi Kan wo  
President a Odzi Kan na  
n'Apamfo mu



# Hu, Kaa, na Da Ase

**N**yame se yenda No ase wō nhyira biara a yenya fi No hō ho. ɔye mberew de yennkodwen hen ndaase mpaabɔ ho, yetaa kā nsem kor noara, na mbom yennyi pe biara de hen ndaase no bɔye akoma mu akyedze ama Nyankopon. Na ɔwɔ de “[yɛ]da ase . . . wō Sunsum mu”(N&A 46:32) ama yeenya enyisɔ a odzi mu wō dza Nyankopon dze ama hen no ho.

Yebesi den akaa dza Nyame aye ama hen nyina no, no mu kumaa mpo? ɔsomafo John kyereɛw dza Agyenkwa no kyerekyere hen faa nkaa akyedze a ofi Sunsum Krɔnkron akyedze mu ba: “Na Okyigyinafo no a ɔye Sunsum Krɔnkron no a Egya no bɔsoma no wɔ me dzin mu no, ɔno na ɔbɛkyerekyere hom ndzembə nyina; ɔbɛkaa hom dza makā akyere hom nyina.”(John 14:26).

Sunsum Krɔnkron no dze dza Nyame akyerekyere hen no ho nkaakaa san bre hen. Na kwan kor a Nyame dze kyerekyere hen nye Ne nhyira; ntsi, se yesan mu kyere gyedzi a, Sunsum Krɔnkron no dze Nyankopon N'ayamuyie ho nkaa babre hen.

Hom botum asɔ iyi ahwe wɔ mpaabɔ mu nde. Hom botum edzi mbranseɛ yi do “Hom nda Ewuradze hom Nyankopon ase wɔ adze nyina mu”(N&A 59:7).

President Ezra Taft Benson (1899–1994) susuu de mpaabɔ ma yenya mber yɛ iyi. ɔkāa de: “Joseph Smith, Nkɔnhyenyi no, kāa no ber bi de bɔn kese kor a Nda a Odzi-Ekyir Ahotseweefo bedzi ho fɔ nye bɔnyiaye. Mefɑ

no de hen mu dodowara ndwen ho de ɔye bɔn kese. ɔye hen ntɔyee kese de hen mpaabɔ, na Ewuradze ho ntotɔsere mu no, yebisa nhyira binom kā ho. Mbom ɔye a menya atsenkā de ɔse de yedze hen mpaabɔ no mu dodowara kyere hen enyisɔ na ndaase ma nhyira a yeenya no dadaw no ho. Yenya no mbordo.”<sup>1</sup>

Hom botum enya Sunsum Krɔnkron akyedze ho sūahu yi nde. Hom botum dze ndaase ahye nsumaamu mpaabɔ ase. Hom botum ahye ase akan hom nhyira na nkyii hom atweɔn mber kumaa. Se hom nya gyedzi a, Sunsum Krɔnkron akyedze no bɛma hom ehu de nhyira binom ho nkaakaa bɛpem abehye hom adwen mu. Se hom hye ase kyere kor biara ho enyisɔ a, hom mpaabɔ bɛgye mber kakra akyen daadaa dze no. Hom dze enyisɔ bekaakaa.

Hom botum aye demara ber a hom rekyerew hom journal mu. Fitsi mber ahysese no, Sunsum Krɔnkron no aboa nkɔrɔfo wɔ iyi ho. Hom kaa de Moses nwoma no kā de, “Na wɔdze nkaa nwoma siei, no mu na wɔkyereɛw Adam ne kasaa, osiandɛ wɔdze maa dodowara a wɔfrees Nyankopon de wondua sunsum no ne nkenyan do nkyerew” (Moses 6:5).

President Spencer W. Kimball (1895–1985) kyerekyere nkenyan akyerew mu: “Hɔn a wosie nkaa nwoma no, na wɔbɔtɔ de wɔkaa Ewuradze wɔ hɔn daadaa abrabo mu. Journal mu akyerew yɛ kwan a yedze kan

hen nhŷira na yegya nhŷira yinom ho nkanee ma hен mbasantsen.<sup>2</sup>

Ber a ahye ase rekyerew no, ibotum ebisa woho dε, "Nyame esi dεn ehyira emi na m'adøfo ndε?" Se itaa dze gyedzi yε iyi a, ibohu dε erekakaa nhŷira horow no. Na ɔtſabi a wɔdze akyedze binom bεba w'adwen mu a annhye no nsew da no mu, mbom nkyii na ibohu dε Nyame Ne nsa ada w'abrabo do.

Mobo mpaa dε hom bɔkɔ do dze gyedzi abɔ mbo-dzen ehu, akaa, na woada ase wɔ dza hen Osor Egya na hen Agyenkwa no aye na wogu do reye dze ebuei fie kwan ako Hɔn nkyen.

#### NSENSIN

1. Ezra Taft Benson, *God, Family, Country: Our Three Great Loyalties* (1974), 199.
2. Spencer W. Kimball, "Listen to the Prophets," *Ensign*, 1978 Esusow Aketseaba, 77.

#### EREKYEREKYERΕ EFI AMANDZEEBO YI MU

N'amandzeebo mu no, President Eyring to nsa frε hεn de yεnkaa Osor Egya N'ayamuyie wɔ hεn mpaabɔ mu. Enye hɔn a ekyerεkyerε hɔn no mpensapensam mbre edze enyisɔ robɔ mpaa no botum aboa hεn ma yehu Nyankopɔn Ne nsa wɔ hεn abrabo mu. Susu dε enye hɔn a ekyerεkyerε hɔn no bobu ntwer na esusu akyerε onyia obɔbo mpaa no dε ɔnkā ndaase nko.

Ibotum so esua enyisɔ ho hia a ohia, ber a ekankan nyiyimu yinom akā dza President Eyring kā no ho: Ndwom 100; Mosiah 2:19–22; Alma 26:8; 34:38; Nkyerεkyerε na Ahyemudzi 59:21; 78:19; 136:28.

#### MBABUN

#### Yε Nkanee

President Eyring serε kā President Spencer W. Kimball (1895–1985) dε ɔrekā dε "Journal mu akyerew yε kwan a yεdze kan hεn nhŷira na yegya nhŷira yinom ho nkanee ma hεn mbasantsen." Obεsε 2012 wiadze mfendzan an ehyiadzi mu no, President Thomas S. Monson maa ne dasee a ɔfa journal mu akyerew ho. Onye hεn

kyεε n'abrabo mu sūahu, rekā dε, "Me journal a daadaa mesiei no mfe yinom nyina mu no, na aboa me ma mutum kā nsɛm pɔkyii binom a nkye munnkotum akaa." Otuu fo dε, "Hom nyε hom abrabo mu nkanee na hom nhwε nhŷira pɔkyee, akεse nye nkumaa a, hom enya" ("Consider the Blessings," *Liahona and Ensign*, Oberefεw 2012, 86). Fa nkɔnhyεfo nyinom afotu yi dzi dwuma na hyε botae a edze bεkyerew wo journal mu.

#### MBOFRA

#### Kwan Horow a Yεdze Kā Meda Ase

"Wiadze nyina mu da n'ewiei no,  
Osor Egya mba bu ntwer bɔ mpaa,  
Kor biara kā meda ase wɔ no kwan soronko do."

"Children All Over the World," Children's Songbook, 16.  
Fa map kyεrε aman horow a wɔkā kasa yinom wɔ.  
Wɔkā kasa yinom binom wɔ aman horow mu!

1. gracias (Spain kasa)
2. malo (Tonga kasa)
3. thank you (Ngyiresi kasa)
4. shukriyaa (Hindu kasa)
5. spaseba (Russia kasa)
6. arigatō (Japan kasa)
7. obrigado (Portugal kasa)
8. asante (Swahili kasa)
9. merci (French kasa)



# Yiedzi

Mpaabɔ muara, sūa adzesuadze yi na, dε mbre ɔse no, enye nkyerembaa a esera hɔn no mpensapensa mu. Ma nsembisa no mboa wo, ma edze ahye wo nkyerembaa no dzen, na ɔma Relief Society ndzi adɔntsen wo ɔwoara w'abrabo mu. Ho nsem mbordo no, kɔ reliefsociety.lds.org.

Gyedzi, Ebusua, Mboa

**A**sor yiedzi nhyeheyɛ no botae nye dε ɔboa asɔrmba no ma wɔyε ahodan, wɔhwε ehiāfo na abɔbɔfɔ, na wɔsɔm binom. Yiedzi ye Relief Society edwuma no ne fapem. President Henry B. Eyring, Opamfo a Odzi Kan wo President a Odzi Kan na n'Apamfo mu no akyerkyere de:

"Fitsi ahyese no [Ewuradze] ama kwan a N'akādofo no dze boa. ɔato nsa afre Ne mba dε wontu hɔn mber, hɔn ahonyadze, na hɔnho nsi hɔ na wɔnkā No ho ma wɔnsom binom. . . .

"ɔato nsa afre hen na Cahye hen de yenkā N'edwuma ho na yempegya abɔbɔfɔ. Yedzi ahyemu wo enuma nsubura mu nye Nyankopon Ne temple kɔnkɔn mu de yεbεye iyi. Yekenyen ahyemudzi no Kwesida biara ber a yedzi sacrament no."<sup>1</sup>

Bishop anaa nkorbata president hɔn kwankyerε ase no, apaamu banodzifo boa wo sunsum nye honandua mu yiedzi ho. Akwan a yebotum dze asom taa fitsease ber a visiting teacherfo hwehwε nkenyan dze hu mbre wobesi enya akyerεbaa

biara a wɔsera no n'ehiyadze ho nyiano.

## *Fi Kyerewsem no mu*

Luke 10:25–37; James 1:27; Mosiah 4:26; 18:8–11; Nkyerkyere na Ahyemudzi 104:18

## *Fi Hen Abakɔsem mu*

Obiradzi 9, 1842 no, Nkɔnhyεnyi Joseph Smith hyε Relief Society nkyerembaa no dε "wɔmma ehyiafo mboa" na "wɔngye akra."<sup>2</sup> Botae nyinom da ho ara da Relief Society akoma do na yεkā no wo hen kasatow mu, "ɔdo mmbɔ adze da" (1 Corinthfo 13:8).

Hen wiadze mfendzaner Relief Society president a otsia enum, Emmeline B. Wells, na n'apamfo na wɔdze kasatow yi too gua wo afe 1913 mu dze aye nkaa ama hen nkyerkyere fapem no: "Yεpaa mu kā hen botae de. . . .[yebosuo] Nkɔnhyεnyi Joseph Smith ne nke-nyan nkyerkyere no a wɔdze bεma mbaa tum no a, ɔdaa nhyeheyɛ no a wɔdze bodua asɔfodzi ɔfrε do edzi, dze ahyehyε mbaa wo ekuwekuw

a ɔfata mu, wo ne tsirmpow de wɔbɔsom ayarfo, wɔaboa ehyiafo, wɔakyekye mpanyimfo hɔn were, wɔabɔ nyia onnyim no kɔkɔ, na wɔatsetse ngyanka no, mu dzen."<sup>3</sup>

Nde Relief Society tsen du wiadze beebiara ber a nkyerembaa no kyere ayamuyie, Christ no dɔ mapā no, kyere hɔn fipamfo (hwε Moroni 7:46–47).

## **NSENSIN**

1. Henry B. Eyring, "Opportunities to Do Good," *Liahona na Ensign*, Esusow Aketseaba 2011, 22.
2. Joseph Smith, wo *Daughters in My Kingdom: The History and Work of Relief Society* (2011), 63.
3. *Daughters in My Kingdom*, 63.

## **Ebenadze na Mubotum Ayε?**

1. Ebεn ahoboa na mereyε a me- dze bɔhwε moho na m'ebusua wo sunsum mu nye honandua afamu?
2. Mebesidεn botum edzi Agyenkwa no Ne fasusu do ber a mboa nkyerembaa a mohwε hɔn do ma wonya hɔn ehyiadze?